



IIB MA GALO  
FAAFINTA RASMIGA AH

الرسمية



الجريدة

Sannadka 14aad Muqdisho 15ka Feberaayo 1986 L. 1 R.2  
JAMHUURiyadda QARANKA ADIGA SOOMAALIYA

جمهورية الصومال الديمقراطية

FAAFIN BIL SOOMALIA

جريدة شهرية

LEHARONI

**QIIMADU:** waa 5 shilin lambar waliba — **RUKUNKA:** Sanaadi waa Sh. 100 Soomaaliya gudeheeda - dibaddedana waa Shs. 300. Rubunka la weydiisto waqtiga loo gooyey wuxuu ka bilabmaa 1 Janaayo. Qimaha qortitaanku F. R. halka sadar iyo waxii ka yar waa 2 laba Sh. Rukunka iyo qoritaanku waxaa la weydiistaa Laanta Maamulka Faafinta Rasmiga ah Lacagta waxaa lagu bixinayaa Xafiiska Canshuuraha ee Wasaaradda Lacagta.

K O O B N I I N

QAYBTA

KOWAAD

SHARCI

SHARCI L. 6 ee 2 Feb. 1986, Dib u dhisidda Warshadda Caanaha ee Xamar. Bog; 91

SHARCI L. 7 ee 2 Feb. 1986, Dib u habaynta Mihnadda Notaayada. » 101

SHARCI L. 8 ee 3 Feb. 1986, Aansixin Sharciyada la soo saaray 1.7.85 ilaa 2.1.86. » 103

QAYBTA

LABAAD

XEER

XEER - SHARCI L. 1 ee 2 Feb. 1986, Wax ku kordhinta Sharciga Dabar-goynta Qaadka. » 104

Wakaaladda Madbacadda Qaranka

QAYBTA

SADDEKAAD

TALOOPYIN ISGAARSIIN OGEYSIIS IWM.

- MAXKAMADDA G. BANAADIR, 30.1.86,  
Lumid Buug - Kayd L. 16362 ku qoran  
Maxamed Cali Abdi L. 49 » 107
- MAXKAMADDA G. TOGDHEER, 4.2.86,  
Lumid Jeeg War. L. 0202978 ku qoran  
Cabdulahi Cali Maxamed L.50 » 108
- MAXKAMADDA G. TOGDHEER, 4.2.86,  
Lumid 2 Jeeg War. L. 0401556-0401276  
ku qoran Caasha Saciid Yuusuf L. 51 » 109
- WARSHADDA MARMARKA ISMA, Ogey-  
siis Fadni Caadi ah L. 52 » 110
- MAXKAMADDA G. W/GALBEED, 21.1.86.  
Lumid Jeeg War. L. 633978 ku qoran  
P.P. SHARMA L. 53 » 111
- MAXKAMADDA G. TOGDHEER, 10.2.86  
Lumid Jeeg War. L. 0471109-0471110-  
0471112 ku qoran Raxma Maxamuud  
Maxamed L. 54 » 112

QAYBTA

KOWAAD

SHARCI

Sharci lambar 3. taariikh 2 Feb. 1986: DDo u dhisidda  
Warshadda Caanaha ee Xamar.

MADAXWAAYNAAHA JDS

ISAGOO TIXGELINAAYA : Oggolaanshaha Golaha  
Shacbiga;

WUXUU SOO SAARAYAA

Sharciga soo socda:

QAYBTA KOOWAAD

MABAADI' GUUD

Qodobka 1aad

Dhismaha

1. Waxaa dib loo dhisay Warshadda Caanaha ee  
Xamar.

2. Warshaddu waa hay'ad madax bannaan waxayna  
leedahay jiritaan sharci ah.

3. Warshadda waxaa lagu meeleeyey darajada (B)  
waxayna yeelaneyso dhammaan xaqiqaad ay daraja-  
daasi leedahay.

Qodobka 2aad

Micneyn

Haddii aan Sharcigan gudihiisa si ka duwan loogu  
tilmaamin, erayada soo socda waxaa icola jeedaa mic-  
naha mid kasta ku hor qoran:

WARSHADDA: Warshadda Caanaha ee Xamar;

WASIIRKA: Wasirka Warshadaha iyo Ganacsiga;

GUDDIGA AGAASINKA: Hay'adda ugu sarreysa hog-  
gaaminta maamulka iyo maareynta Warshadda ee  
ku tilmaaman Qodobka 7aad ee Sharcigan;

GUDDOOMIYAAHA: Guddoomiyaha Guddiga Agaasin-  
ka ee Warshadda.

Qodobka 3aad

Ilaalinta Sare

1. Ilaalinta Sare ee Warshadda waxaa leh Wasiirka Warshadaha iyo Ganacsiga.

2. Wasiirku wuxuu kalsoo Warshadda ku leeyahay awoodaha ku tilmaaman Sharciigan iyo Sharciyada kale ee nidaamiya Hay'adaha Madax bannaan, wuxuuna u soo marinayaa go'aannadiisa iyo tilmaamihiisa Gudiga Agaasinka.

Qodobka 4aad

Xarunta

Xarunta Warshaddu waa Muqdisho waxayna Laamo ka furan kartaa Degmooyinka Dalka.

Qodobka 5aad

Ujeeddooyinka

Ujeeddooyinka Warshaddu waa kuwa soo socda:

— In ay uruuriso caanaha ceerin ee Dalka laga soo saaro, warshadeyso una caybiso Dadka isticmaala iyadoo ku siinaysa sicir go'aan;

— In ay dhiirrigeliso beeraha lagu dhaqo lo'da caanaha, horumarisana soo saarka caanaha iyo waxyaabaha caanaha laga soo saaro ee Dalka gudahiisa iyo in ay sahmiiso suurtagalnimada dhoofintooda;

— In ay horumariso kuma baahiso Dalka gudahiisa isticmaalka caanaha Warshadda iyo waxyaabaha caanaha laga helo;

— In ay si wax ku ool ah u gaarsiiso wax soo saarka Warshadda heerka ugu wacan uu gaari karo muggeedu.

QAYBTA LABAAD

QAABKA DHISMAHA

Qodobka 6aad

Xubnaha Warshadda

1. Warshaddu waxay yeelanaysaa Xubnaha soo socda:

- Guddiga Agaasinka;
- Guddoomiyaha;
- Maareeyaha Guud iyo
- Guddiga Maamulka.

2. Guddoomiyaha iyo Maareeyaha Guud waxaa lagu magacaabayaa Xeer Madaxweyne, iyadoo la dhegeys-tay soojeedinta Wasiirka.

Qodobka 7aad

Guddiga Agaasinka

1. Guddiga Agaasinka waxa uu ka kooban yahay Xubnaha soo socda:

- Guddoomiyaha Guddiga Agaasinka Guddoomiye;
- Wakiil ka socda Wasaaradda Warshadaha iyo Ganacsiga Xubin;
- Wakiil ka socda Wasaaradda Maaliyadda Xubin;
- Wakiil ka socda Wasaaradda Xannanada Xoolaha, Dhirta iyo Daaqa Xubin;
- Maareeyaha Guud ee Warshadda Xubin, Xoghaye.

2. Wakiillada ka socda Wasaaradaha darajadoodu waa in ay ka yarayn Agaasimaha Waaxeed.

Qodobka 8aad

Xilalka Guddiga Agaasinka

1. Guddiga Agaasinku wuxuu qabanayaa xilalka soo socda:

- a) In uu oggolaado ku talo galka miisaaniyadda caadiga ah iyo xisaabxirka Warshadda ka hor intaan loo gudbin Wasiirka;
- b) In uu darso warbixinnada muddada leh ee ku saabsan heerka maaliyadda ee Warshadda, tilmaanna uu ka baxsho;

- t) In uu oggolaado qorshaha iyo hab-raaca hawlgalka, qiimeeyana wax qabadka Warshadda;
- j) In uu dejiyo barnaamijka dhoofinta waxyaabaha ay Warshaddu soo saarto ee ka bata isticmaalka gudaha;
- x) In uu go'aan ka gaaro. isagoo haysta oggolaashaha Wasiirka, maalgelinta Warshaddu ay sameeyneyso;
- kh) In uu dejiyo siyaasadda shaqo- siinta isagoo tixgelinaaya baahida. awoodda dhaqaale ee Warshadda iyo Sharciga;
- d) Xilalka kale ee Sharcigan gudihiisa lagu siiyey.

2. Guddiga Agaasinku wuxuu awood u leeyahay in uu Guddoomiyaha u wakiisho xil ka mid ah xilalka Qodobkan ku tilmaaman.

#### Qodobka 9aad

#### Shirka Guddiga Agaasinka

1. Guddigu wuxuu shirayaa. ugu yaraan. saddexdii biloodba mar.
2. Guddigu wuxuu kaloo yeelan karaa shirar aan aadi ahayn.
3. Guddiga waxaa isugu yeeraya Guddoomiyaha ugu yaraan 15 maalmood ka hor taariikhda Shirku uu qabsoomayo.
4. Saddex meelood meel Xubnaha Guddigu waxa ay weydiisan karaan Guddiga Agaasinka in uu shir isugu yimaado. Guddoomiyuhu waa in shirkaas qabtaa 21 maalmood gudahooda laga billaabo taariikhda helitaanka codsiga.
5. Fadhiyada Guddigu waxa ay ku ansaxayaan marka ay ka soo qayb galaan aqlabiyadda Xubnuhu.
6. Qofka Guddiga Xubin ka ah oo ka tirsan maa- mulka Warshadda xaq uma laha codbixin.
7. Go'aannadu waxa ay ku ansaxayaan hal dheeri Xubnaha Guddiga. Ha yeeshee haddii codadku ay isla

ekaadaan, waxaa la raacayaa dhinaca Guddoomiyuhu uu u codbixiyey. Go'aannada la gaaray waa in iyagoo qoraal ah lagu gaarsiiyaa Xubnaha 10 beri gudahooda laga billaabo taariikhda la guddoonsaday.

8. Haddii Guddoomiyuhu uu maqnaado, waxaa shir-guddoomiye noqonaya Xubin ka tirsan Guddiga Agaasinka oo leh xaq codbixin oo Guddigu iska dhex doorto.

#### Qodobka 10aad

#### Guddoomiyaha

Guddoomiyuhu wuxuu qabanayaa xilalka soo socda:

- a) Xiriirinta, haddii loo baahdo, Xubnaha Guddiga iyo Maareeyaha Guud;
- b) Masalaadda Wasaaradda Warshadaha iyo Ganacsiga;
- t) Masalaadda Warshadda dhinacyada saddexaad;
- j) La socodka iyo hubinta xaqiijinta himilooyinka Warshadda, go'aannada Guddiga Agaasinka iyo habsami u socodak hawlgalka Warshadda;
- x) Hawlaha kale ee Guddiga Agaasinku u xilsaaro.

#### Qodobka 11aad

#### Maareeyaha Guud

Maareeyaha Guud waa Madaxa fulinta hawlaha Warshadda wuxuuan mas'uul ka yahay maamulkeeda iyo arrimaha hawlmaalmeedkeeda isagoo raacaya Sharciiga, go'aannada Guddiga Agaasinka iyo tilmaanta Wasiirka. Gaar ahaan wuxuu qabtaa hawlaha soo socda:

- Xaqiijinta himilooyinka Warshadda iyo hoggaaminta hawlaheeda;
- Horumarinta wax soo saarka iyo kormeerka tayada tacabka;
- Horumarinta habka dayactirka qorsheysan iyo abaa bulka iibka iyo suuqaynta oo uu ku jiro dibed u dhoofinta;

- Dejinta hab qaybin oo habboon;
- Soo hordhigga Guddiga Agaasinka qorshaha hawlgalka sannadka;
- Soo hordhigga Guddiga Agaasinka miisaaniyadda ku talo galka iyo midda xisaabxirka;
- Haynta buugagga xisaabaha ee Warshadda;
- Hawlgelinta, maamulka iyo qiimeynta Shaqaalaha Warshadda.

#### Qodobka 12aad

##### Guddiga Maamulka

Guddiga Maamulku waxa uu ka kooban yahay Xubnaha soo socda:

- Maareeyaha Guud;
- Maareeyaha Farsamada iyo
- Maareeyaha Lacagta iyo Maamulka.

#### Qodobka 13aad

##### Xilaika-Guddiga Maamulka

Guddiga Maamulku waxa uu kala taliyaa Maareeyaha Guud arrimaha soo socda:

- a) Dejinta habraaca iyo qorshaha arrimaha la xirii- ra farsamada, maaliyadda iyo maamulka ee Warshadda;
- b) Diyaarinta miisaaniyadda ku talo galka iyo xisaab xirka sannadka;
- t) Dejinta qorshaha hawlaha Warshadda iyo qiimeyntooda;
- j) Diyaarinta warxibinnada muddada leh ee loo gudbinayo Guddiga Agaasinka, kuna saabsan maaliyadda Warshadda;
- x) Dejinta qorshaha horumarinta wax soo saarka;
- kh) Dejinta hababka lagu ilaaliyo laguna kormeero xisaabaha Warshadda iyo sicirka;



- d) Dersidda talooyinka la xiriira shaqo qorista iyo mushaarka Shaqaalaha ee la hor dhigayo Guddiga Agaasinka;
- r) Dersidda talooyinka ku saabsan ku talo galka hantida iyo maagelinta Warshadda ee la hor dhigayo Guddiga Agaasinka.

### QAYBTA SADDEXAAD HANTIDA

#### Qodobka 14aad Raasumaalka Warshadda

Raasumaalka Warshaddu waxa uu ka kooban yahay:

1. Lacagta ay Dawladdu u qoondeysay in lagu wado hawlaha Warshadda iyo mashaariicdeeda;

2. Hantida guurta ah iyo midda maguurtada ah ee Warshadda;

3. Dakhliga ka soo gala Warshadda hawlahooda mashaariicdeeda iyo adeegyada ay qabato;

4. Deymanka Warshaddu ay qaadato;

5. Deeqaha iyo kaalmada Warshaddu ay ka hesho Dalka gudahiisa ama dibeddiisa.

#### Qodobka 15aad Miisaaniyadda

1. Sannad miisaaniyadda Warshaddu wuxuu bil laabanayaa 1da Jannaayo wuxuuna diammaanayaa 31ka Disember ee sannad walba.

2. Inta ka horreysa 1da Oktoobar, Maareeyaha Guud waa in uu soo diyaariyaa miisaaniyadda ku talo galka ee sannadka cusub wuxuuna u soo gudbinayaa Guddiga Agaasinka.

3. Guddiga Agaasinku wuxuu go'aan ka gaarayaa miisaaniyadda la soo hordhigay inta ka horreysa 15ka Nofember waxaana loo gudbinayaa Wasiirka Warshadaha iyo Wasiirka Maaliyadda si loo ansixiyo.

4. Haa iyo ka... mabbagaleyso, dakhliga miisaami... nida naganaya faa'i-dada la helay oo... hantumarinta heli-taanka caanaha... la siinayo beeraha yaryar ee... caanaha.

**Qodobka 16aad**  
**Guddiga Xisaabxirka**

1. Sannad kasta, ka... Abriite, Maa reeyaha Guud wuxuu... xisaabxirka miisaa-niyadda sannadka... u gudbina-yaa Guddiga Agaasinta.

2. Isla markaas, Mawqeyaha Guud wuxuu nuqul xisaabxirka ah u gudbiyaa Guddiga Hantidhowrka ee Warshadda.

3. Guddiga Hantidhowrka wuxuu xisaabxirka soo raacinayaa warbixin... ku saabsan habsami-da loo maamulay... kaarajka.

4. Haddii Guddiga Hantidhowrka uu isku khilaafu warbixinta, Hantidhowrka wuxuu diyaarinayaa warbixin u gaar ah... waxaa la hor dhigayaa Guddiga Agaasinta.

5. Guddiga Agaasinta isagoo dhegeystay warbixi-nnada Hantidhowrka wuxuu soojeelanayaa xisaa-bxirka.

6. Xisaabxirka waxaa loo gudbinayaa Wasaaradda Maaliyadda si loo waafajiyo habka iyo nidaamka u degsan xisaabxirka... Dawladda.

**Qodobka 17aad**  
**Guddiga Hantidhowrka**

1. Warshaddu wuxuu yeelanayaa Guddi Hanti-dhowr oo ka kooban... laba Xubnood.

2. Hantidhowrka wuxuu in ay ahaadaan khuba-ro ku xeeldheer... waxaana magacaabaya Guddiga Agaasinta isagoo dhegeystay soojeedinta Guddoomiyaha.

3. Xubnaha Guddiga Agaasirku kama mid noqon karaan Hantidhowrayaasha Warshadda.

4. Muddada xilka ee Xubnaha Guddiga Hantidhowrka waa laba sano, marka waa loo magacaabi karaa.

5. Hantidhowrayaashu waxay yeelanayaan gunno waxaana ciimaarada ka mid ahaa Guddiga Agaasinka.

### Qodobka 18aad

#### Awooda Hantidhowrka

1. Guddoomiyaha iyo Xubnaha kale ee Guddiga Hantidhowrka waxay awoodo in ay seeyihiin, wadajir ahaan iyo midmidba, in ay qaan qaaban, diyaarannada xisaabaha Warshadda iyo qaybaha kale ee xisaabaha khu-seeya.

2. Waxay kaloo awoodo in ay weydiistaan caddeynta iyo wargeynta lagaama maarmaan u arkaan.

3. Maamulka Warshadda waa in uu u suurtageliyaa hantidhowrayaasha gudaha iyo xidalkooda.

4. Xubnaha Guddiga Hantidhowrku waa ay ka qayb gelayaan fadhiga Guddiga Agaasinka waxayna doodaha furan ka qaadan karaan hadal, ha yeeshee xaq uma laha cod.

5. Hantidhowrayaashu si wadajir ah ayay mas'uul uga yihiin magdhowga korsooraha Warshadda kala soo gudboonaada gudaha iyo laanta xilkooda.

### QAYBTA AFRAAD

#### QODOBBO GEBA-GEBO AH

### Qodobka 19aad

#### Xeer-nidaamiye

Madaxweynaha Jamhuuriyadda Dimoqaraadiga Soomaaliya, isagoo dhagstay soojeedinta Wasirka, wu xuu soo saarayaa Xeer-nidaamiye dhammeystiraya, habeynayana habsami u fulinta Sharcigan.

Qodobka 20aad  
Burrin

Waxaa la baabi'iyey sharci kasta oo ka soo horjeeda ama aan la secon karin Sharcigan.

Qodobka 21aad  
Dhaqangal

Sharcigan wuxuu dhaqan gelayaa isla marka uu saxiixo Madaxweynaha, waxaana lagu soo saarayaa Faafinta Rasmiga ah ee Jamhuuriyadda.

Muqdisho, 2 Feb. 1986

MADAXWEYNAHA JDS

(Maxamed Siyaad Barre)

Sharci lambar 7, taariikh 2 Feb. 1986: Dib u habeynta  
Mihnadda Notaayada.

MADAXWEYNAHA JDS

ISAGOO TIXGELINAAYA : Oggolaansnaha Golaha  
Shacbiga;

WUXUU SOO SAARAYAA

Sharciga soo socda:

Qod. 1aad

Mihnadda Notaayada waxaa lagu dhaqayaa Sharci-  
ga lambar 8 ee 15.2.1961 iyo Xeerka tashriiciga lambar  
1 ee 2.3.1962.

Qod. 2aad

Iyagoo Sharciyada kor ku tilmaaman ay sidooda u  
taagnaanaan, Madaxweynaha JDS, dhegeysiga soo-  
jeedinta Wasiirka Garsoorka iyo Arrimaha Diinta kad-  
dib, wuxuu Notaayo u magacaabi karaa, intixaan la-  
aan, qof xagga aqoonta gaarka ah ee mihnadda Notaa-  
yenimada, khibrada iyo waayo arganimada uu leeya-  
hay dartood loo gartay inun mudan yahay xilkaas in  
uu qabto.

Qod. 3aad

1. Sharciyaqaannada ka tirsan Wasaaradda Gar-  
soorka iyo Arrimaha Diinta ee dhaqangalka Sharcigan  
ka hor hayey xil Notaayo, waxaa u furan in ay shaqada  
notaayenimada sii wataan iyagoo tan Dawladda istiqaa-  
lo ka keenaya ama ay ku laabtaan Wasaaraddooda

2. Kala doorashada labada fursadood waa in ay  
ku dhacdaa muddo lixdan maalmood gudahood ah, laga  
billaabo maalinta Sharcigani uu dhaqan galo.

Qod. 4aad

Khidmadda Notaayuhu uu ku yeelanayo hawlaha  
uu qabto waxaa lagu xaddidayaa Xeer Madaxweyne,  
iyadoo la dhegeystay soojeedinta Wasiirka Garsoorka  
iyo Arrimaha Diinta.

Qod. 5aad

Waxaa la baabi'iyey Sharci iyo Xeer kasta oo ka soo horjeeda ama aan la socon karin Sharcigan.

Qod. 6aad

Sharciganj wuxuu dhaqan geliyaa isla maalinta uu saxiixo Madaxweynaha JDS, waxaana lagu soo saarayaa Faafinta Rasmiga ah ee Jamhuuriyadda.

Muqdisho, 2 Feb. 1986

MADAXWEYNAHA JDS  
(Maxamed Siyaad Barre)

Sharci lambar 8, taariikh 3 Feb. 1986: Ansixin Sharci-  
yada la soo saaray 1.7.1985 ilaa 2.1.1986.

MADAXWEYNAHA JDS

ISAGOO TIXGELINAYA : Oggolaanshaha Golaha  
Shacbiga;

WUXUU SOO SAARAYAA

Sharciiga soo socda:

Qod. 1aad

Waxaa la ansixiyay Sharciyada soo socda:-

1. Sharci lam. 18 ee 31 Luulyo 1985: «Oggolaansho Af-rikaanka ee xuquuqaa Aaamigd iyo Dadyowga»;
2. Sharci lam. 19 ee 30.9.1985: «Dhismaha Mashruuca Horumarinta Bombelmada»;
3. Sharci lam. 20 ee 30.9.1985: «Is-beddelka 1aad ee Miisaaniyadda 1985»;
4. Sharci lam. 21 ee 30.1.1985: «U rogid Sharci Xeer-Sharci lam! 4 ee 15.8.85, Wax ka beddelidda Sharci-ga Nidaamka Dhismaha Dawladda»;
5. Sharci lam. 22 ee 2.11.1985: «Dhismaha Rugta Ganacsiga»;
6. Sharci lam. 23 ee 3.11.1985: Sharciiga Kalluumaysiga Soomaaliyeed»;
7. Sharci lam. 24 ee 24.12.1985: «Oggolaansho Heshiiska fududeynta iyo horumarinta is-dhaafsigaa Ganacsiga ee ka dhexeeya Dowladaha Carbeed»;

Qod. 2aad

Ansixintan waxay dhaqan geleysaa laga billaabo 3.1.1986, waxaana lagu soo saarayaa Faafinta Rasmiga ah ee Jamhuuriyadda.

Muqdisho, 3 Feb. 1986

MADAXWEYNAHA JDS  
(Maxamed Siyaad Barre)

Xeer-Sharci lambar 1, ee liika 2 Feb. 1986: Wax ku kor-  
dhin Sharciga Dabar goynta Qaadka.

MADAXWEYNAHA JDS

MARKUU ARKAY: Qodobka 69aad ee Dastuurka;

MARKUU ARKAY: Sharciga lambar 49 ee 23ka Disem-  
bar 1984, kuna saabsan wax ka beddelidda Dastuur-  
ka JDS;

MARKUU ARKAY: Keer-sharci lambar 2 ee 18ka  
Maarso 1983 oo loo rogay Sharciga lambar 4 taariikh  
13ka Abriil 1983 iyo beddelaadyadii ka dambeeyey,  
kuna saabsan Xaaraantimeynta Qaadka Dalka Jam-  
huuriyadda Dimoqraadiga Soomaaliya;

MARKUU TIXGELIYAY: Waaya-aragnimadii lala kul-  
may tan iyo markii qaadka la mamnuucay;

MARKUU TIXGELIYAY: In qaadku uu weli soo ge-  
layo Gobollada Dalka qaarkood, haba ku kala ba-  
teene;

MARKUU ARKAY: In ay wax ka taagan yihiin dhi-  
baatooyinkii bulsho, dhaqaale iyo nabadgelyo ee  
saldhigga u ahaa mamnuucidda qaadka, weliba ay  
sii muuqato in qaadku u adeegayo cadaawga Ummad-  
da Soomaaliyeed;

MARKUU TIXGELIYAY: In ay lagama maarmaan  
tahay in la qaado tallaabo kasta oo loo arko in ay  
xoojineyso himilada dabar-goynta qaadka, sabab-  
taas darteedna wax lagu kordhiyo Shuruucda had-  
da jirta, loona adeegsado wax ku kor-dhintan Xeer-  
Sharci oo durba dhaqan galo, baahida deg degga ah  
oo ay arrintani leedahay darteed;

MARKUU DHEGEYSTAY: Golaha Wasiirrada;

WUXUU SOO SAARAYAA

Xeerka Sharci ee soo socad:-

Qod. laad

Si loo xoojiyo awoodda hawl-galka hay'adaha ku



hawlan dabar-goynta qaadka, Gaadiidka qaadka lagu qabto waxaa lagu wareejinayaa, Xukun Maxkamadeed kaddib, Hay'adda soo qabata waxaana u xil saaran wareejinta Guddiga Nabadgelyada ee Gobolka.

Qod. 2aad

Ganaaxa iyo wixii lacag ah ee ka soo baxa dembiyada qaadka, marka lagu soo qeybaha abaal-gudka ee ku tilmaaman qodobka 2aad, Xeer-sharci lambar 4 ee 18ka Maajo 1984, waxaa lagu wareejinayaa Guddiga Nabadgelyada ee degmada qaadka lagu qabtay waxaana loo isticmaalayaa dabar-goynta qaadka.

Qod. 3aad

Ciidammada Nabadgelyada, Ciidammada Qalabka Siida iyo Hay'ad kasta ee qor weyn ka qaadata dabar-goynta qaadka waxaa la siinayaa abaal-gud gaar ah.

Qod. 4aad

Qofkii soo sheega ama gacanta ku dhiga dembi qaad waxaa la siinayaa abaal-gud dheeri ku ah midka ku tilmaaman Xeerka-sharci lambar 4 ee 10ka Maajo 1984.

Qod. 5aad

Abaal-gudku wuxuu noqon karaa Billad, Ammaan, Dallacaad ama lacag qor Gobol, Degmo ama Hay'ad la siiyo.

Qod. 6aad

1. Gobol kasta wuxuu yeelanayaa lacag gaar ah oo loogu tala galay abaal-gudka dabar-goynta qaadka.

2. Abaal-gudka lacagta ee ku tilmaaman qodobka hore waxaa bixinaya Gobolka waana lacagta ka soo gasha danuubta qaadka.

Qod. 7aad

1. Qof kasta oo lagu tuhmo in uu qaad soo geliyo Dalka, ka ganacsado ka dullaalo ama taakuleeyo soo gelintiisa ama ganacsigiisa, Guddiga Nabadgelyada ee Degmada wuxuu ka qaadi karaa tillaabo badbaado ah.

2. Farasiga... waday noqon kartaa:-

- a) Digniin;
  - b) Saacada... bartannuuhu... xaaqii... yo... hadal... nadii... tuhmanu...;
  - t) Dhaq... xadid... aada, Xaa- taada... uu... jaa.
- (3) bnood.

3. Muhiim... go aansa... Na- badgelyaa... waada ia xi- ri karaa... xad- gudubkaas go... ee Degmadu.

Qod. Jaad

Qofku den... gala Gaadiid... ci- qaabta xarigga... ee laba jibbaarayaa.

Qod. Jaad

Qof kasta... isagoo... waa- jib la xirna... waxaa... aqoonsa- nayaa qof... qagaai, wuxuuna yeela- nayaa... ay... ooqda.

Qod. 10aad

Waxaa la... Sharci kasta oo ka soo hor- jeeda ama... Keerkan Sharci.

Qod. 11aad

Xeerkan... dhagan geliyaa 17ka Jen- naayo 1986, waxaa... saarayaa... Ras- miga ah ee... markaas waxaa... gud- binayaa... si loogu rogo Sharci.

Muqdisho, 2 Feb. 1986

MADAXWEYNAHA JDS  
(Maxamed Siyaad Barre)

MAXKAMADDA GOBOLKA BANAADIR  
GARSOORAH MGB

HADDUU ARKAY: Dacwadda kor ku qoran;

HADDUU ARKAY: In Buug Kayd dhumay uu lambar  
kiisu ahaa 16362 lagana soo saaray Bangiga Ganac-  
siga iyo Kaydka Soomaaliyeed Laanta Saddexaad  
kuna qoran lacag dhan Sh.So. 3.152.20/= uu iska  
lahaa Maxamed Cali Abati siduu cad warqadda  
lambarkesdu yahay ———— kaan horeeduna tahay  
27.1.86 ee Bangiga Ganacsiga iyo Keydka Soomaali-  
yeed Laanta Saddexaad;

HADDUU ARKAY: Qod. 69 Sharci-ga Lam. 2 ee 9.9.65.

WUXUU FARAYAA

In la baabi'yo (Ammortament) Buug Kayd Lam.  
16362 ee ku qoran Maxamed Cali Abati ku jirto  
Sh.So. 3.152.20/=.

WUXUU FARAYAA

In Bankiga Ganacsiga iyo Keydka Laanta Sadde-  
xaad u baabshe Baagga Keydka ee kor ku tilmaaman  
una sameyso mid la mid ah markay ka soo wareegto  
muddo aan ka yareyn 15 maalmood maanta go'aanka  
lagu daabaco Faafinta Rasmiga ah ee JDS, haddii inta  
ka horeysa aan wax is-hortaag ah laga keenin.

Muqdisho, 30.1.86

GARSOORAH MGB  
Dr. Cabdi Salaad Shangole

MAXKAMADDA G. T. BILLE } BURCO

UJ:- Baafin J/W. ee Lam. 022978

Guddoomiyaha Max. G. Togdheer Burco

HADDUU ARKAY: Daawo iyo dhaqan saabsan Caddayn  
Jeegga War. ee Lumad

HADDUU ARKAY: Ogaysiisid ka mid ah Ganacsiga iyo  
Kaydka Burco ee 1.2.86

HADDUU ARKAY: Qod. 022978 ee Lumad Jeegga Wa-  
reega ee Lam. 0202978 ee Jaalle Cabdilla-  
hi Cali Maxamed kuna qaybsan 50.000/= laga-  
na sameeyey L. Burco

WUXUU KA BAYAA

In loo Cusbooneysiyo qod. 022978 Wareega ee kor ku  
xusan Jaalle Cabdillaahi Cali Maxamed marka ay ka soo  
wareegot muddo 20 casho gacanta ay ka taguna Shaaciyo  
Xafiiska Faafinta Rasmiga Maxkamadda.

WAXAA LAGA KA BAYAA

In Jeegga Cusub ee la saarayo oo gacanta laga  
saaro Jaalle Cabdillaahi Cali Maxamed iyadoo la suga-  
yo mudda kor ku xusan.

BURCO, 4.2.86

Guddoomiyaha Max. G. Togdheer Burco  
(Dr. F. C. M. Law Cumar)

Kaaliyaha Max. G. Togdheer Burco  
(Jaamac C. Bille)

L. 50

## MAXKAMADDA GOBOLKA TOGDHEER

UJ: Baafin Laba Jeeg War. Lam. 0401556 Sh. So.  
100.000/= ee 26.1.86, Jeeg War. L. 0401276 Sh. So.  
100.000/= ee 22.1.86.

(Guddoomiyaha Maxkamadda G. Togdheer Burco)

HADDUU ARKAY: Dacwadda ku saabsan Caddaya  
Jeegagga Wareega ee lumay;

HADDUU ARKAY: Ogaysiinta Bangiga Ganacsiga  
iyo Kaydka Hargeysa;

HADDUU ARKAY: Qod. 69, 65) Lumid Jeegagga Wa-  
reega ee lam. 0401556, ee 26.1.86 iyo J/W. 0401276 ee  
22.1.86 mid walba lacagtiisu tahay 100.000/= ayna  
ku kala qoran yihiin Jeegga laad Maxamed Ismaa-  
ciil Cabdi L/Hargeysa, kan labaadna Cabdullaahi  
Ismaaciil Cali, uuna ka lumay Jaalle Caasha Saciid  
Yuusuf;

## WUXUU AMRAYAA

In loo Cusbooneysiyo Jeegaggaas Wareega ee kor  
xusan Jaalle Caasha Saciid Yuusuf, markii ay ka soo  
wareegto muddo 20casho gudahood ah laguna shaaciyo  
X. Faafinta Rasmiga ah ee Dawladda Xamar.

## WAXAA LAGA CODSADEY

In Jeegaggaas cusub ee la samayn doono gacanta  
laga saaro Jaalle Caasha Saciid Yuusuf, iyadoo la suga  
yo muddada kor ku xusan.

BURCO, 4.2.86

Guddoomiyaha Maxkamadda G. Togdheer Burco  
(Dr. Abuukar Islaw Cumar)

Kaaliyaha Maxkamadda G. Togdheer Burco  
(Xaliimo X. Cabdi Aadan) (Tanzania)

## WARSHADDA MARMARKA (ISMA)

Waxaa dhammaan Saamilayda Warshadda Marmarka la Ogeysiinayaa inay ka soo qayb galaan fadhi caadi ah oo lagu qaban doono Xarunta Warshadda Maalinta Talaadada ee 18ka Febraayo 1986- Saacadda 4.30 Galabnimo.

### FADHIGAAS OO LOOGA HADLI DOONO

- 1) Miisaaniyadda Sannadka 1985;
- 2) Wixii kale ee soo raaca.

MAAMULAHA WARSHADDA  
Dr. Xasan Xaaji Cilmi

## MAXKAMADDA G. W/GALBEED HARGEYSA

UJEEDDO:- Digireeto Cusbooneysiin Jeeffa Wareega ee Lumay Lambarkiisu yahay 633978 ee Taariikhdiisu tahay 2.11.85 ee Lacagtiisu dhan tahay 6,500/= Shillin ku qoran P.P. SHARMA.

Guddoomiyaha Maxkamadda G.W/Galbeed ee Hargeysa  
MARKUU ARKAY: Arjiga uu soo qortay P.P. SHARMA, ee ku taariikheysan 13.1.86 uuna ku Codsanaayo in loo Cusbooneysiyo Jeeffa Wareega ee lumay Lambarkiisu kor ku qoran yahay;

MARKUU ARKAY: Caddaynta Bangiga Ganacsiga iyo Kaydka Laanta Hargeysa, Lambarkiisu yahay 0095 ee ku Taariikheysan 19.1.86. laguna soo Cadeeyey Jeeffaas Bangiga Ganacsiga iyo Kaydka Soomaaliyeed Laanta Hargeysa, Lambarkiisu yahay 633978 ee Taariikhdiisu tahay 2.11.85 Lacagtiisu tahay 6,500/= Shillin;

MARKUU ARKAY: Qodobbada 69-70 ee Xeerka Lambarkiisu yahay 2 ee soo baxay 9.9.65kii.

## WUXUU GO'AAMIYEY

In la kansal Gareeyo Jeeffa Wareega ee lumay Lambarkiisu yahay 633978 ee Lacagtiisuna dhan tahay 6,500/= Shillin ee taariikhdiisu tahay tan sare ku qoran loona Cusbooneysiinaayo Jaallaha iska leh lacagta Jeeffaas kuna qoran oo ah P.P.SHARMA, Cusboonaysiintana Gacanta laga saaro Jaallahaas ama Ciddii Awood ka haysata muddo 15 Maalmood Gudahood ah ka dib maalinta Go'aanka laga soo saaro Faafinta Rasmiga ah ee Laanta Madaxtooyada J.D.S.

## WAXAA LA FARAYAA

Maamulaha Bangiga Ganacsiga iyo Kaydka Laanta Hargeysa, in lagu dhejiyo Nuqulka Go'aankan Bangiga Irdihiisa si Ciddii haysata Jeeffaas Wareega ee lumay ee kor lagu kansal Gareeyey uga soo qortaan Cabasho haddii ay doonaan.

Hargeysa, 21.1.86

Guddoomiyaha Max. G. W/Galbeed Hargeysa  
(Ibraahin Faarax Maxamed)

**MAXKAMADDA GOBOLKA TOGDHEER BURCO**  
**UJ:-** Baafin Jeegag Lumay:-

Guddoomiyaha Maxkamadda G. Togdheer Burco

**HADDUU ARKAY:** Dacwadda ku saacsan Jeegagga Wareega ee Lumay;

**HADDUU ARKAY:** Ogaysiinta Bangiga Ganacsiga iyo Kaydka L. Burco Tr. 10.2.86;

**HADDUU ARKAY:** Qod. 69,65,) Lumid Jeegagga Wareega ee kala ah: 1) 0471109 Sh.So. 100.000 ee Tr. 4.2.86, 2) 0471110 Sh.So. 100.000 ee Tr. 4.2.86, 3) 0471112 Sh.So. 100,000 ee Tr. 4.2.86 kuna qorayd Jaalle Raxma Maxamuud Maxamed lagana sameeyey L. 3aad Muqdisho.

#### **WUXUU AMRAYAA**

In loo Cusbooneysiyo Jeegaggaas Wareega ee kor ku xusan markii ay ka soo wareegto mudo 20 casho ah laguna Shaaciyo Xafiiska Faafinta Rasmiga ah ee Dawladda Xamar.

#### **WAXAA LAGA CODSANAYAA**

In Jeegagga cusub ee la samayndoono gacanta laga saaro Jaalle Raxma Maxamuud Maxamed iyadoo la sugayo muddada kor ku xusan.

**BURCO 10.2.86**

Guddoomiyaha Max. G. Togdheer Burco  
(Dr. Abuukar Islaw Cumar)

**Kaaliyaha Maxkamadda G. Togdheer Burco**  
(Jaamac Cabdillaahi Bille)



WASAARADDA HOWLAHA GUUD  
WAAXDA SAHANKA IYO DEGAANKA MAGAALEYN.  
NAADO DHUL

Waxaa la caddeynayaa in Jaalle Cabdifataax Xu-  
seen iyo Buuwe Cali Dheere ay ku soo weydiisteen arji-  
ga taariikhdiisu aheyd 2.7.1980 gabaal dhul dowladeed ah  
oo ku yaal degmada Wardhiigley, qaabkiisuna yahay  
Rett. addimihisu yihiin 50X100 kuna fadhiya 5.000/=  
mch. soondimihisuna yihiin sida hoos ku tilmaaman.

Waqooyi waxaa ka xiga: Waddo.

Koonfur waxaa ka xiga: Dhul Lamb. 18/W.

Galbeed waxaa ka xiga: Dhul Lamb. 15/W.

Bariga waxaa ka xiga: Dhul Lamb. 19/W.

Qofkii daneynaaya dhulkaas wuxuu si fiican uga  
arki karaa naqshadda dhulka oo taal Waaxda SAHANKA  
& DEG. MAG. ee Wasaaradda Howlaha Guud, waxaana  
laga doodi karaa muddo ku siman 30 (Soddon maalmood)  
oo laag bilaabo maalintii lagu soo daabaco buugga Faa-  
finta Rasmiga ah.

Muqdisho, 7 Apr. 1984

Agaasimaha M/Dhulka Rasmiga ee D/Hoose  
Jeom. Maxamuud Cabdi Cismaan

WARSHADDA DANTA DALKA  
OGEYSIIS; FADHI MUHIIM AH

Ayadoo la tixgelinayo Sharciga u degsan Shirkadda Danta Dalka, waxaa la ogeysiinayaa xubnahaas oo kala ah; Cabdullaahi Faarax Maxamed iyo Maxamed Xaashi Iidle, in muddo ku siman 15 casho ay ku yimaadaan Saldhigga Shirkadda AL— NAJAAX, si ay u dhameystiraan shuruudaha xubinimo ee la doonayo, Haddii ay muddadaas ku iman waayaan kuna xallin wxyaan arri-mahaas la xiriira Sharikadda, waxaa looga tala galayaa in ay ka bexeen Shirkadda.

Muqdisho. 5ta Febraayo 1986

GUDDOOMIYAHHA IDMAN  
Salaad Cali Siyaad

L. 46